



Adresa: Mula Mustafe Bašeskije 12/3  
S A R A J E V O

Telefon: 033/264-830  
Tel/Fax: 033/552 461  
E-mail: [upfbih@bih.net.ba](mailto:upfbih@bih.net.ba)  
Web: [ttp://www.upfbih.org](http://www.upfbih.org)

Grupacija poslodavaca Ze-do kantona: Kancel. Zenica: 032 406 333  
Mail: [udruzenje.poslodavacazedo@gmail.com](mailto:udruzenje.poslodavacazedo@gmail.com)

## ZAPISNIK SA KONSTITUIRAJUĆE SJEDNICE EKONOMSKO-SOCIJALNOG VIJEĆA ZA PODRUČJE ZENIČKO-DOBOJSKOG KANTONA

**MJESTO ODRŽAVANJA:** Sjedište Vlade Zeničko-dobojskog kantona, Sala 109

**DATUM ODRŽAVANJA:** Petak, 10.03.2017. godine

**VRJEME ODRŽAVANJA:** Početak 10,00 sati- Završetak 10,50 sati

### **PRISUTNI ČLANOVI**

• **Ispred Vlade Zeničko-dobojskog kantona**

1. Miralem Galijašević, predsjednik Vijeća
2. Nurđehan Šahinović, član
3. Andrej Kajić, član
4. Nikola Arsenić, član

• **Ispred Saveza samostalnih sindikata Bosne i Hercegovine- KO Zeničko-dobojskog kantona**

1. Mirnes Isaković, član
2. Pero Milovanić, član
3. Kenan Mujkanović, član
4. Đevad Hadžić, član

• **Ispred Udruženja poslodavaca FBiH-Grupacija poslodavaca Zeničko-dobojskog kantona**

1. Ibrahim Meškić, član
2. Sulejman Haračić, član
3. Lana Šabani, sekretar

### **ODSUTNI ČLANOVI:**

1. Osmo Saračević, član ispred Udruženja poslodavaca
2. Zoran Stapić, član ispred Udruženja poslodavaca

Konstituirajućom sjednicom je u skladu sa članom 3. Poslovnika o radu Ekonomsko-socijalnog vijeća predsjedavao Nurđehan Šahinović, ministar Ministarstva za rad, socijalnu politiku i izbjeglice, koji je konstatovao da sjednici prisustvuje potrebna većina za rad i odlučivanje.

Na prijedlog ministra Šahinovića jednoglasno je usvojen sljedeći:

## DNEVNI RED

1. Usvajanje Prijedloga Poslovnika o radu Ekonomsko-socijalnog vijeća za područje Zeničko-dobojskog kantona,
2. Donošenje Odluke o pečatu Ekonomsko-socijalnog vijeća za područje Zeničko-dobojskog kantona,
3. Izbor Predsjednika Ekonomsko-socijalnog vijeća za područje Zeničko-dobojskog kantona,
4. Izbor stručnog saradnika Ekonomsko-socijalnog vijeća za područje Zeničko-dobojskog kantona,
5. Razno.

### T-1)

U obrazloženju datom u okviru prve tačke-uvajanje prijedloga Poslovnika o radu Ekonomsko-socijalnog vijeća, ministar Šahinović je naglasio da unazad dva mjeseca traju intenzivni razgovori između socijalnih partnera vezani za osnivanje Ekonomsko-socijalnog vijeća, koji su zaokruženi potpisivanjem Sporazuma o osnivanju Ekonomsko-socijalnog vijeća za područje Zeničko-dobojskog kantona. Naredni korak je bio sačinjavanje Poslovnika o radu, pri čemu je postignut dogovor između socijalnih partnera oko teksta Poslovnika, koji je prošao kroz forme nacрта do prijedloga teksta, tako da su primjedbe koje je imao Sindikat uvažene, radi se o tehničkim poboljšanjima samog teksta, a Udruženja poslodavaca nije imalo primjedbi na sam tekst Poslovnika.

U diskusiji u okviru preve tačke predsjednik Saveza samostalnih sindikata Bosne i Hercegovine-KO Zeničko-dobojskog kantona gospodin Isaković je istakao da se nada dobroj saradnji između socijalnih partnera, zasnovanoj na principima ravnopravnosti i uvažavanja. Podržava prijedlog Poslovnika u predloženoj formi, te ističe namjeru da glasa za predloženi Poslovnik.

Predsjednik Grupacije poslodavaca Zeničko-dobojskog kantona gospodin Meškić ističe da su dugo čekali na ovaj trenutak da zaživi rad Ekonomsko-socijalnog vijeća u interesu svih socijalnih partnera, kao institucionalnom okviru u kojem bi se moglo raspravljati o zakonima koje predlaže Vlada kantona, a koje usvaja Skupština kantona, do zakona koji se donose na nivou Federacije BiH, a koji se direktno tiču poslovanja i uslova privrjeđivanja na području Federacije BiH. Akcenat djelovanja ESV bi trebao biti usmjeren kao tome da sva tri socijalna partnera preko ove institucije vrše dodatni pritisak da se izvrše značajne preraspodjele kad je u pitanju teret javne potrošnje na nivou FBiH, a da se kantonima kao što su Zeničko-dobojski i Tuzlanski kantona koji 70% dohotka ostvaruju u realnom sektoru, vrata sredstva koja se ovdje i zarađuju. Poslodavci će kroz ovu instituciju davati doprinos da se izvorno artikulišu interesi ovog kantona, i poslodavaca i radnika, i smatra da će se u okviru ESV imati o čemu pričati i diskutovati.

U ime Vlade Zeničko-dobojskog kantona, premijer gospodin Galijašević pozdravlja osnivanje Ekonomsko-socijalnog vijeća i ističe da je ovaj korak trebalo i ranije napraviti. Očekivanja od rada ESV su jasna, podržava ono što su istakli gospoda Isaković i Meškić, posebno činjenicu da je kroz dijalog potrebno pokušati iznaći najbolja rješenja. Ističe da je i do sad socijalni dijalog između socijalnih partnera bio korektan, zasnovan na partnerskom odnosu sa Sindikatom i Udruženjem poslodavaca, te se nada da će se na ovaj način dijalog podići na viši nivo. Ovo je trenutak kada ESV treba da promoviše regionalni identitet privrede, i osnivanje Ekonomsko-socijalnog vijeća smatram vjetrom u jedra ovoj Vladi. Ono što treba da istaknemo da ćemo sigurno raditi na principu partnerstva, transparentno, efikasno i sa uvažavanjem svih mišljenja sa ciljem nalaženje najboljih rješenja. Članovi ESV imenovani od strane Vlade nemaju primjedbi na prijedlog Poslovnika o radu.

Nakon iznesenih uvodnih obraćanja, ministar Šahinović je zaključio raspravu, te prijedlog Poslovnika o radu stavio na glasanje, nakon čega konstatuje da je je Poslovnik o radu ESV jednoglasno, sa tri glasa ZA, usvojen. Dalje predlaže sljedeći,

## ZAKLJUČAK

1. Zadužuje se stručni saradnik vijeća da obavi sve potrebne aktivnosti za objavu Poslovnika o radu Ekonomsko-socijalnog vijeća za područje Zeničko-dobojskog kantona u Službenim novinama Zeničko-dobojskog kantona.

## **T-2)**

U obrazloženju druge tačke dnevnog reda-donošenje Odluke o pečatu Ekonomsko-socijalnog vijeća, ministar Šahinović ukazuje da je prijedlog Odluke dostavljen uz materijale za konstituirajuću sjednicu, da su primjedbe socijalnih partnera uvažene, te ukratko predočava sadržaj odluke. Otvara diskusiju, s obzirom da nije bilo prijavljenih, zaključuje diskusiju, te prijedlog Odluke o pečatu Ekonomsko-socijalnog vijeća stavlja na glasanje.

Konstatuje da je jednoglasno, sa tri glasa ZA, usvojena Odluka o pečatu Ekonomsko-socijalnog vijeća.

## **T-3)**

U okviru treće tačke dnevnog reda- Izbor Predsjednika Ekonomsko-socijalnog vijeća za područje Zeničko-dobojskog kantona, ministar Šahinović, ukazuje da je članom 4. Sporazuma o osnivanju Ekonomsko-socijalnog vijeća za područje Zeničko-dobojskog kantona propisano da predsjednik biraju strane potposnice između sebe i da se predsjednik rotira svake godine. S obzirom da su već obavljene određene konsultacije socijalnih partnera, prijedlog vezan za izbor predsjednika je, da prvi predsjednik ESV bude premijer Zeničko-dobojskog kantona Miralem Galijašević, da prvi potpredsjednik bude predsjednik KO Sindikata Zeničko-dobojskog kantona Mirnes Isaković, te da drugi potpredsjednik bude predsjednik Grupacije poslodavaca Zeničko-dobojskog kantona Ibrahim Meškić, uz dodatno obrazloženje da mandat predsjednika bude šest mjeseci. Otvara diskusiju na ovu tačku dnevnog reda, s obzirom da nije bilo prijavljenih za diskusiju, istu zatvara i predloženu tačku stavlja na glasanje.

Konstatuje da je jednoglasno, sa tri glasa ZA, za predsjednika ESV izabran Miralem Galijašević, na mandat od šest mjeseci, te da su potpredsjednici Mirnes Isaković i Ibrahim Meškić.

## **T-4)**

U obrazloženju četvrte tačke dnevnog reda- Izbor stručnih saradnika Ekonomsko-socijalnog vijeća za područje Zeničko-dobojskog kantona, ministar Šahinović ističe, da je Sporazumom o osnivanju ESV i Poslovníkom o radu ESV propisano da se stručni i administrativni poslovi za potrebe Vijeća obavljaju u Ministarstvu za rad, socijalnu politiku i izbjeglice. Nakon obavljenih konsultacija sa socijalnim partnerima, i sagledavanja kako je ovo pitanje riješeno u drugim Ekonomsko-socijalnim vijećima na području Federacije, te imajući u vidu obimnost posla koji predstoji pred Vijećem, predlaže da poslove stručnog saradnika Vijeća obavlja Vildana Kondić, državna službenica u Ministarstvu za rad, socijalnu politiku i izbjeglice, koja je po vokaciji diplomirani pravnik, te da poslove tehničkog sekretara obavlja Blanka Paurić, namještenica u istom ministarstvu. Otvara diskusiju na ovu tačku dnevnog reda, s obzirom da nije bilo prijavljenih za diskusiju, istu zatvara i predloženu tačku stavlja na glasanje.

Konstatuje da je jednoglasno, sa tri glasa ZA, za stručnog saradnika vijeća izabrana Vildana Kondić, te za tehničkog sekretara vijeća Blanka Paurić.

## **T-5)**

U okviru posljednje tačke dnevnog reda, ministar Šahinović obavještava prisutne da će Ministratsvo u skladu sa Poslovníkom o radu donijeti rješenje o naknadama za rad u okviru Ekonomsko-socijalnog vijeća. S obzirom da su već obavljene određene konsultacije po ovom pitanju, mjesečne naknade za rad će iznositi: 300,00 KM za Predsjednika ESV, za članove Vijeća po 250,00 KM, za zamjenike članova po 100,00 KM, za stručnog saradnika 200,00 KM, te za tehničkog sekretara 50,00 KM. Napominje da su naknade usklađene sa naknadama koje su za rad Vijeća utvrdili ostali kantoni u FBiH. Rješenje o naknadama će biti naknadno dostavljeno.

Ministarstvo je uputilo dopis Stručnoj službi za informatiku da na web stranici Vlade Zeničko-dobojskog kantona otvori link-Ekonomsko-socijalno vijeće kao vid komunikacije i obavještavanja javnosti o radu Vijeća.

Poslovníkom o radu je predviđeno da će svi pozivi i materijali biti dostavljani elektronskim putem, odnosno da će se sva komunikacija vezana za rad Vijeća obavljati elektronskim putem.

Ibrahim Meškić u zaključnom izlaganju napominje da je ovo sedmo Ekonomsko-socijalno vijeće koje je osnovana u Federaciji BiH, ostalo je još tri i iskazuje nadu da će se u predstojećem preiodu kroz rad Vijeća na neki način nadoknaditi izgubljeno vrijeme.

Mirnes Isaković, zahvaljuje premijeru Galijaševiću što je prihvatio ulogu prvog predsjednika ESV koji će na određeni način koordinirati radom Vijeća i ističe da je to jaka poruka koja ukazuje koliko je ova Vlada ozbiljno gleda na ovu instituciju. Ovo je posebno bitno iz razloga što je Vlada ta koja predlaže zakonska rješenja prema zakonodavnoj vlasti, pa na taj način može obezbijediti da ti materijali budu dostavljani i na sjednice Ekonomsko-socijalnog vijeća na razmatranje. S tim u vezi pokreće,

#### Inicijativu

1. Da se izmjeni Poslovnika o radu Vlade, na način da Ekonomsko-socijalno vijeće nađe svoje mjesto u institucionalnom okviru.

Ministar Šahinović, u osvrtnu na izlaganje gospodina Iskaovića predlaže da se predložena Inicijativa za izmjenu Poslovnika o radu Vlade od strane Sindikata dostavi Vladi u pismenoj formi.

Sulejman Haračić, podržava Inicijativu i predlaže da Vijeće napravi Plan rada, i da se definiše tehnika dostave poziva, lično ili na udruženje.

Ministar Šahiović, u osvrtnu na izlaganje gospodina Haračića ističe da će stručni saradik vijeća direktno komunicirati sa predsjednicima Sindikata i Udruženja poslodavaca, a što se tiče Plana rada Vijeća, isti je u izradi, i nakon što bude sačinjen bit će vam dostavljen, na sugestije.

Ibrahim Meškić, polazeći od toga kako radi Ekonomsko-socijalno vijeće na nivou Federacije BiH, pokreće sljedeću,

#### Inicijativu

2. Da se skupštinski materijali koji se tiču sfere djelovanja Vijeća, budu dostavljeni članovima Vijeća kako bi isti eventualno bili predloženi za tematske sjednice Vijeća, te da predstavnici poslodavaca kao socijalnih partnera mogu prisustvovati sjednicama Skupštine Zeničko-dobojskog kantona.

Ministar Šahiović, u osvrtnu na izlaganje gospodina Meškića ističe da će materijali koji će se naći u raspravi na Skupštini ranije biti tema rasprave na Vijeću. Što se tiče prisustva sjednicama Skupštine, one su javne, dovoljno je da se prijave Predsjedavajućoj skupštine i da prisustvuju sjednici. U tom smislu na web stranici kantona, je najmaje sedam dana prije zakazane sjednice Skupštine oglašen dnevni red.

Predsjednik Vijeća, gospodin Galijašević iskazuje namjeru da traži da se na spisak gostiju za Skupštinu uvrste članovi Vijeća-predstavnici Udruženja poslodavaca, te predlaže sljedeći:

### ZAKLJUČAK

2. Podržava se Inicijativa da se Skupštini uputi dopis da predstavnici Ekonomsko-socijalnog vijeća budu na spisku gostiju i da im se dostavljaju materijali koji će biti razmatrani na sjednicama Skupštine Zeničko-dobojskog kantona.

Na kraju, Predsjednik Vijeća, predlaže da se pored toga što će vijest o održavanju konstituirajuće sjednice Vijeća biti oglašena na linku ESV na web stranici, ista bude objavljena i u sredstvima javnog informisanja, i da se i ubuduće Vijeće posebno izjasni kada smatra da je važno da se neka vijest oglasi i putem sredstva javnog informisanja.

Aklamacijom, svi prisutini su iskazali saglasnost na predloženo.

Ministar Šahinović, zatvara konstituirajuću sjednicu i zahvaljuje se prisutnima na diskusijama i učešću.

Zapisnik sačinila, na osnovu službeno dostavljenih podataka - Lana Šabani